

Chombra pitschna s'oppona cunter agid minimal

Midadas en la lescha d'asil – debatta en la chombra pitschna

■ **(anr/vi/sda) Requirents d'asil na duain betg survegnir sulet agid minimal. En questa dumonda è il cussegl dals chantuns s'opponi ier al cussegl naziunal. Puncto centers spezials per requirents renitents va la chombra pitschna d'accord.** La stad aveva il cussegl naziunal pretendì per tuts requirents sulet pli agid minimal. Gliez ha il cussegl dals chantuns sbittà ier. Tuttina ha el giaschè reglas pli rigurusas: Ils requirents duain survegnir pli pauc agid social che indigens. Gia oz retschaivan requirents per regla 30 pertschient pli pauc agid social. I n'è dentant betg stringent.

Pli paucs daners duain en mintga cas obtegnair requirents renitents. Il cussegl dals chantuns vul stritgar ad els l'agid social. Gia oz pon las autoritads scursanir l'agid social u remplazzar quel cun agid minimal, sche requirents fan indicaziuns falladas. En l'avegnir duai quai esser prescrit.

Agid minimal – betg pratigabel

Il cussegl dals chantuns è uschia suandà las propostas da sia cumissiun. «Nus n'esan betg simplamain stads pli miaivels,

nus avain differenzià», ha ditg *Christine Egerszegi* (pld/AG) sco pledadra da cumissiun.

This Jenny (pps/GL) ha proponì da suandar il cussegl naziunal. Ses argument: La Svizra stoppia daventar main attractiva sco pajais d'asil. Era *Peter Föhn* (pps/SZ) ha accentuà: «Nus essan qua per dar in signal.» Gliez na bastia betg, ha replitgà *Pascale Bruderer* (ps/AG). Ins stoppia plitost chattar concepts applitgabels che sajan gists e fetschian senn.

La proposta da Jenny ha il cussegl refusà cun 33 cunter 9 vuschs, damai ch'ils chantuns e las vischnancas avevan avertì en la cumissiun ch'in sistem cun agid minimal na saja betg realisabel en la pratica.

Las giaccas da tgirom dals requirents

La debatta en il cussegl dals chantuns è stada pli temprada che la stad passada en il cussegl naziunal. Ma era qua hai dà remartgas sco a la maisa radunda. *Peter Föhn* (pps/SZ) ha ditg che tscherts requirents dastgian ir en butia e tscherner giaccas da tgirom che vegnian suenter simplamain pajadas.

puòi consultar ils chantuns. Ils chantuns hajan avertì ch'ins promovia la criminalità pitschna cun dar pli paucs daners, ha ditg Engler. «Nus avain simpel da decider en nossa zona da comfort.» Il parlament possia scursanir daners per requirents, ma las vischnancas sa chattian suenter en la situaziun difficila da stuair exequir la decisiun. Là vegnian ils burgais lura mulestads perquai ch'ils requirents possedian memia paucs daners per viver.

Stefan Engler s'exprima en la debatta d'asil

Vulair starmentar ils requirents cun laschar crudar els en miseria na funcziuneschia betg, ha ditg *Stefan Engler* (pcd/GR). Quai saja stà la finamira dal cussegl naziunal la stad passada. Cun conceder mo pli agid minimal a requirents na vegnian betg pli paucs requirents en Svizra. Els vegnian en pajais nua che confamigliars vivian u perquai che cuntrabandists als mainian en quest lieu.

La cumissiun predeliberanta haja



La stad aveva il cussegl naziunal pretendì per tuts requirents sulet pli agid minimal. Gliez ha il cussegl dals chantuns sbittà ier. KY

Vèrena Diener (pvl/ZH) è sa smirvegliada. «Igl è interessant ch'ins sa stganda adina pervi da las giaccas da tgirom e mai pervi dals pumps da las dunnas.» Las giaccas da tgirom sajan in simbol masculin che sa porschia per associaziuns e saja ideal per projecziuns. Ma en sasez saja quai in problem da l'execuziun. Tscherts chantuns na pratitgeschian betg a moda optimala las prescripziuns. I duvrass exnum ina armonisaziun, uschiglio dettia quai adina puspè cas singuls che procurian per curellas.

D'accord cun center per renitents

Sco il cussegl naziunal vul era la chombra pitschna che requirents d'asil renitents vegnian piazzads en centers spezials. Questa mesira – sco anc ulteriuras – duain vegnir decleradas sco urgentas. Uschia pon ins metter en vigur la mesira immediat suenter la deliberaziun parlamentara e senza spetgar giu il termin da referendum.

Cun 33 cunter 7 vuschs han il cussegl dals chantuns decidì che requirents

vegnan piazzads en centers spezials, sch'els pericliteschan la segirtad publica u sch'els disturban a moda considerabla il manaschi en centers d'asil.

L'emprim stoppian ins dentant chattar in chantun che haja il curaschi per in tal center, ha admonì cussegliera federala *Simonetta Sommaruga*. I na saja betg da spetgar ch'ins possia l'october suenter la deliberaziun da la lescha d'asil immediat installar in tal center. Da preschent datti para discurs cun il chantun Tessin per ina fasa da test.